

## 小航詩選

陳小航

### 題竹葉書簽

楚城有水波兮揚，留與狷介濯衣裳。板橋居士蒙塵垢，筇杖千里歸故鄉。遽揮大筆如椽子，潑墨奇石與幽篁。已而吟嘯行雲遏，已而酩酊舞月光。月下縞衣來輕叩，白鶴蹣跚渡橫江。戛戛長喉飲仙氣，竹風滑然韻清長。落月無言迷夜色，酒醒人覺夢微茫。板橋居士無蹤跡，化爲一枚竹葉黃。夾之案頭卷帙裏，吮吸浩氣與書香。仲夏且暫涼風至，閑臥高榻對北窗。

### 書余光中詩選後

鷺江初陽墜丁日，紅波躍鯉一灣赤。基隆港外滔逐滔，跳丸沐海淮南橘。淮南曾經登重九，屐痕踐菊傾壺酒。廈門街對廈門屋，跂餘西望猶揮手。鄉思侵夢難太虛，豈將海峽作溝渠？

撫余膺膺哭浪子，悠哉洋水曳尾魚。而傳胸臆情淅瀝，鶴骨腹然卻無敵。我讀公詩致歎息：浮槎漂泊滄海客。

### 日食有雨

參星昨夜月杳杳，多情獨倚黃昏早。鼓聲乍起天狗歸，風吹一片黑雲掃。瓊瑰傾瀉還捲簾，花落如煙佳人老。花落猶有再開時，三百年後對瑩草。

### 映雪樓隨筆

曲廊長睇眄，今夕誦綢繆。  
睡鶴芭蕉穩，閑雲竹葉悠。  
池平掬璧影，水起散瞳眸。  
良夜宜清夢，嗒然對子猷。

### 自廈門歸漳州遙觀鼓浪嶼

朝赴廈門晚漳州，輕帆送我潮汐起。天寒入海



# 乾坤古典詩

《詩卷》

二二二

別沙痕，半照斜陽躍紅鯉。海心遙漾白頭龜，  
瞳子瞭然射秋水。人雲此嶼從天化，太白真人  
留步履。遺得仙鹿幻青石，馳騁翛然忽欲止。  
或曰鼓浪宜聽濤，風清鶴唳猶可喜。浪拍巉岩  
琴聲長，沐浴秋風如洗髓。俄頃驚江雪千堆，  
舟漂一葉顛未已。不隨雄風忽淺深，孑孑獨立  
堅如砥。猶有海燈代月華，曳曳流波濯千里。  
散入江濤舞星辰，恍若飛焰濺紈綺。自古人生  
風浪惡，不歸吾鄉歇於此。船滑漸遠空隱約，  
緇影遙窺還對紙。擲筆雪浪送新詩，登臨明日  
呈朝祀。

## 記莫拉克颱風水殤 ■黃志凱

北地依稀解旱氛，南臺一夜禍頻聞。  
水兼山野流民淚，天慟機舟義士墳。  
聚散援資愁斷路，有無冤命爲公文？  
縱能究責研災助，難使團圓樂復存。

## 偶感 黃志凱

筆鍵乾坤未有春，鶴姿蟬性孑然身。  
詩源邈邈三千載，何事過憐黃景仁？

## 與摯友共遊溪頭

■鄭中中

## 緣起

信因宿命共行舟，各有沉浮各有秋。  
偶自樓林相邂逅，何曾一夢共溪頭。

## 有約

三人一夢在溪頭，出柙遊心豈肯收？  
尋我但來雲起處，有風有竹便無愁。

## 有期

一朝夢外別溪頭，莫問重來幾個秋。  
但使閒情與山在，何愁無翼出重樓。